



Europe Direct A Coruña organiza en Ferrol o obradoiro “Europa na provincia da Coruña. Economía circular e financiación europea”

Europe Direct A Coruña, centro oficial de información da Comisión Europea pertencente á Deputación da Coruña, organiza xunto ó Grupo de Desenvolvemento Rural Seitura 22 un obradoiro para dar a coñecer as oportunidades de financiación europea para proxectos de economía circular.

Esta xornada enmárcase dentro da acción “Europa na provincia da Coruña” que o centro de información ven desenvolvendo desde hai catro anos co obxectivo de achegar as fontes de financiamento europeas ás entidades locais da provincia.

O obradoiro celebrarase mañá, 15 de novembro, na sede do Antigo Hospicio de Ferrol, e contará coa participación de Ana Moreno, representante da Oficina de Proxectos Europeos da Deputación de Granada.

O obradoiro está dirixido a representantes e técnicos das entidades locais que forman parte da asociación Seitura 22, que son un total de 22 concellos: A Capela, Ares, As Pontes, Cabanas, Cariño, Cedeira, Cerdido, Fene, Ferrol, Mañón, Miño, Moeche, Monfero, Mugardos, Narón, Neda, Ortigueira, Pontedeume, San Sadurniño, Somozas, Valdoviño e Vilarmaior

Para máis información poden contactar con Europe Direct A Coruña en europedirect@dacoruna.gal ou no teléfono 981 080 331.